

# KREYÒL

Vizcaya te bati kòm rezidans sezon ivè òmdafè vil Chikago James Deering (1859–1925). Jodiya li se yon Edifis Nasyonal Istorik e yon mize akredite. Misyon nou se pou prezève Vizcaya pou angaje kominote nou an ak moun kap vizite yo pou aprann atravè lèza, listwa ak anviwonman an.

Vizcaya te orijinalman 180 kawo tè ki te gen ladan li Mezon Prensipal, jaden yo ak Vilaj la—yon gwoup bilding anfas South Miami Avenue ki loje anplwaye yo epi ki gen yon atelye machin ak fonksyon fèm agrikol pou kay la. Gen anviwon 50 kawo tè sa yo ki rete toujou.

Se twa nèg ki te kreye Vizcaya ansanm ak Deering: F. Burrall Hoffman (1882–1980) te kreye

konsepsyon bilding yo; Diego Suarez (1888–1974) te fè plan jaden yo; epi Paul Chalfin (1873–1959) se te direktè atistik pou tout pwojè a.

Deering ak konseptè li yo te enspire pa gwo kay an Ewòp yo, patikilyèman an Itali, epi yo adapte modèl sa yo a anviwonman soutwopikal Vizcaya a. Pandan ke Vizcaya ka byen, lè w fèk wè li, sanble li pa nan plas li nan Miami, men li genyen sal ki ouvè anplennè, plant endijèn ak materyo lokal ki konekte pwopriyete a ak andwa li.

Konstwi nan dezan (1914–1916), Gwo Kay la sipoze parèt ansyen, kòm si yon fanmi tap viv ladan depi plizyè syèk. Kay la gen ladan li chedèw atistik ak mèb ki te kolekte an Ewòp ak Etazini ansanm

ak dè atik ki te espesifikman kreye pou Vizcaya. Li genyen tou teknoloji inovatè ak konfò modèn nan koumansman lane 1900 yo.


Jaden byen desinen yo, konplete an 1922, gen ladan yo plantasyon jewometrik, estrikti achitekti ak eskilti. Jaden yo sitiye ant yon rivaj mangliye ak yon espès lokal. Desizyon Deering pou li prezève andwa sa yo epi konstwi Gwo Kay la sou Biscayne Bay distenge li kòm youn nan premye ekolojis Miami.

Aprè lamò Deering, yon ti gwoup anplwaye antretni pwopriyete a, epi eritye li yo itilize li detanzantan. Siklòn 1926 la, ki te devaste anpil pati nan Miami, te kraze Vizcaya anpil. Nyès Deering yo ak mari

yo te pase anpil ane ap eseye etabli Vizcaya kòm yon mize pou piblik la amize yo. An 1952, yo bay Konte Miami-Dade li, epi li vin louvri kòm yon mize nan lane swivan an.

Depi lè sa a, Vizcaya òganize plizyè evenman eta epi dè milye rezidan ak vizitè Miami-Dade chwazi komemore okazyon enpòtan nan lavi yo isit la.

Tanpri pou ede nou pwoteje Vizcaya pou jenerasyon kap vini yo, pa manyen okenn nan sifas oswa objè istorik yo.




3251 South Miami Avenue · Miami, Florida 33129  
305-250-9133 · www.vizcaya.org



LEJANN





Antre

South Miami Avenue

Sòti

LEJANN



Paking



Telefòn Piblik



Twalèt



Pasaj Aksesib



Zòn Piknik pou Gwoup Lekòl

1. Pisin Semisikilè

2. Patè

3. Chemen Pwomnad Estatì Lès ak Lwès

4. Kaskad Bit Mòn ak Gwòt yo

5. Kazino

6. Pisin

4/2012/2.5K

